

**Broj: 1-11-16-4-5169-48/16**  
**Mostar, 24.03.2017. godine**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10), člana 10. Pravilnika o postupku dodjele ugovora o uslugama iz Aneksa II Dio B Zakona o javnim nabavkama („Službeni glasnik BiH“, broj 66/16) i Preporuke Komisije za javnu nabavku broj: 1-11-16-4-5169-43/16 od 28.02.2017. godine u postupku javne nabavke usluge hotelskog smještaja u zemlji (LOT 3), direktor Agencije za pružanje usluga u zračnoj plovidbi Bosne i Hercegovine, na osnovu zaključka sa 41. sjednice Uprave Agencije, donosi

## **ODLUKU O IZBORU NAJPOVOLJNIJEG PONUDAČA** **za nabavku usluge hotelskog smještaja u zemlji** **– LOT 3 Tuzla**

### **Član 1.**

Prihvata se Preporuka Komisije za javne nabavke, broj: 1-11-16-4-5169-43/16 od 28.02.2017. godine godine i ugovor za javnu nabavku usluge hotelskog smještaja u zemlji – LOT 3 Tuzla dodjeljuje se ponuđaču UNI BRISTOL Tuzla Podružnica HOTEL MELLAIN sa ukupnom ponudenom cijenom u iznosu od 110,00 KM bez PDV-a, ponuda ponuđača broj: 31/17 od 06.02.2017.godine.

### **Član 2.**

Ova odluka objavit će se na web-stranici [www.bhansa.gov.ba](http://www.bhansa.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 3.**

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## **O b r a z l o ž e n j e**

Odlukom Uprave Agencije za pružanje usluga u zračnoj plovidbi Bosne i Hercegovine, broj: 1-11-16-4-5169-1/16 od 28.12.2016.godine pokrenut je postupak nabavke usluge hotelskog smještaja u zemlji (LOT 1 Mostar, LOT 2 Sarajevo, LOT 3 Tuzla i LOT 4 Banja Luka), te je Odlukom broj: 1-11-16-4-5169-2/16 od 28.12.2016.godine imenovana Komisija za provođenje postupka nabavke usluge hotelskog smještaja u zemlji.

U skladu sa članom 14. Odluke o imenovanju komisije broj: 1-11-16-4-5169-2/16 od 28.12.2016.godine Komisija je pripremila Poziv za dostavu ponuda broj: 1-11-16-4-5169-6/16 od 30.01.2017.godine u skladu sa članom 7. stav (4) Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj 66/16).

Poziv za dostavu ponuda je, u skladu sa članom 7. stav (3) Pravilnika o postupku dodjele ugovora o uslugama iz Aneksa II dio B Zakona o javnim nabavkama objavljen na web stranici Agencije za

pružanje usluga u zračnoj plovidbi BiH dana 02.02.2017.godine, te je za LOT 3 Tuzla upućen na sljedeće adrese:

1. UNI BRISTOL Tuzla Hotel Mellain, Aleja Alije Izetbegovića 3, 75000 Tuzla
2. Hotel Tuzla A HOTELI d.o.o. Tuzla, ZAVNOBiH-a 13, 75000 Tuzla

Rok za dostavu ponuda je bio do 17.02.2017. godine do 12:00 sati.

Komisija za javnu nabavku dostavila je Upravi Agencije Zapisnik o pregledu i ocjeni ponuda broj: 1-11-16-4-5169-41/16 od 28.02.2017.godine, Izvještaj o radu broj: 11-11-16-4-5169-42/16 od 28.02.2017.godine i Preporuku o izboru najpovoljnijeg ponuđača broj: 1-11-16-4-5169-43/16 od 28.02.2017.godine, u postupku javne nabavke usluge hotelskog smještaja u zemlji za potrebe Agencije za pružanje usluga u zračnoj plovidbi Bosne i Hercegovine.

Komisija za javnu nabavku je konstatovala da je u skladu sa Zapisnikom o zaprimanju ponuda broj: 1-1-16-4-5169-32/16 od 14.02.2017.godine u predviđenom roku, u propisno zapakovanoj koverti zaprimljena ponuda jednog dobavljača, i to kako slijedi:

1. UNI BRISTOL Tuzla, Podružnica HOTEL MELLAIN

Dana 20.02.2017.godine u 8,30 sati na protokolu Agencije za pružanje usluga u zračnoj plovidbi BiH je zaprimljena koverta pošiljaoca A HOTELI d.o.o. Tuzla. Komisiji je dana 20.02.2017. godine u 9,30 sati predata koverta koja je bila otvorena od strane ovlaštene osobe za otvaranje zaprimljene službene pošte u Agenciji jer na koverti nije bilo oznake „Ne otvaraj“, naziva predmeta javne nabavke i evidencijskog broja nabavke, a kako je zahtijevano tačkom f) Poziva za dostavu ponuda broj: 1-11-16-4-5169-6/16 od 30.01.2017.godine pri čemu je utvrđeno da sadrži ponudu za javnu nabavku usluge hotelskog smještaja za LOT 3. S obzirom da se radi o neblagovremeno dostavljenoj ponudi, ista nije uzeta u razmatranje.

Komisija je u skladu s odredbama ZJN, pristupila otvaranju ponude. U daljnjem radu, Komisija je pristupila analizi prispjele ponude, te konstatovala da su dostavljene ponude sačinjene u skladu sa pozivom za dostavu ponuda, odnosno iste su prihvatljive.

Utvrđena je vrijednost cijene prihvatljive ponude (bez PDV-a), a kako slijedi:

Naziv / ime ponuđača	Ponuđena cijena bez PDV-a
I. UNI BRISTOL Tuzla Podružnica HOTEL MELLAIN	173,50 KM popust: 63,50 KM Ukupno: 110,00 KM

Na osnovu navedenog, Komisija je konstatovala da je ponuda ponuđača UNI BRISTOL Tuzla, Podružnica HOTEL MELLAIN ocijenjena najpovoljnijom u predmetu nabavke usluge hotelskog smještaja u zemlji za LOT 3 Tuzla (Noćenje u jednokrevetnoj sobi sa francuskim ležajem, sa doručkom, uz prihvatanje alternativne ponude u smislu smještaja u dvokrevetnoj sobi po cijeni jednokrevetne sobe (jedne osobe) po prethodnoj najavi/rezervaciji ugovornog organa), pri čemu je utvrđena vrijednost cijene prihvatljive ponude i iznosi 110,00 KM sa popustom bez PDV-a.

Iz navedenih razloga, a primjenom člana 64. stava 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba najkasnije u roku od 10 (deset) dana od dana objave dobrovoljnog *ex ante* obavještenja o transparentnosti.



Dostaviti:

1. UNI BRISTOL Tuzla Hotel Mellain, Aleja Alije Izetbegovića 3, 75000 Tuzla
2. Hotel Tuzla A HOTELI d.o.o. Tuzla, ZAVNOBiH-a 13, 75000 Tuzla
3. a/a